

laman ignemolgateo tan. tet oetji msenemeg gmimatjoageninoa ; ma oantasigo gtininenno, tjel emg sisiptjijtj elpa môga soel aogtigo, na gato Gtjinisgam môgatj oantasigoi. Alasotmanetj, tamanetj Genisgaminno omenageneoalan negela metogemigsoltilitji gisgog tan teli pemi pigoeli gotatotitj elnoi alasotmeoinoi malteo opogtjig oantagitaneeo oitji apogentmenetj alasotmagenigtog gemetgino almantieoagi omelgipogoasin mo ogisi asgaiagoneo tani getangoititjia, maogtaoenetj tan tesonemigsg alasotmeoinoigo maoi gemetgino Plantjian oisoigenôtegen, meta natel gino migmaoigo oetjiag gsigentasotimino. Elp ngoetei losenagi natel pigoeli otjig solieoei tan angooiegemotig. Elp oitjei aglasieoagi teli maoi apôgônemnetj meta natel milgemigsoti oetjiag gtelegemino. Elp, nigmatot alasotmelseoanetj tan gisgog pemi papeoiteoit pileia, tanel Gisolgol nisononsepen gisgog niganipogotemen alasotmagan ogsitgamoga. Elp alasotmelseoanetj gotjinoag tetli npegag gtjigang gtagamgag, tanag tetli nigani gtjipatliseoitag Howley teloisitj. Nin N. Tj. G.

*GESGAPEGIJAG*—tetli maoi alasotmamgan 10-12 nepgigeoei tepgenoset, mesgig alames elitasigsep oetjiagsep maotaganigtog. 61 pagapogootitis mao tapositjig, elpatotjijtj tanig piltoi ilatasipenig, Lolan Glôt ag sapatit Gonteo. Pilei nige igalos gis tapositjig tepgenosetjig sagmao Sapatit Maltan teloisit Elpatotjag nepgag 7 tes. tepg. San Pelnalôg, 9 tes. otgotalotag mesgig alamesigtog, gis sag gesinogootag. Malpina Maltan gesinogooaganôgômng eig lôg menaganat. A. M.

*OEGOGMAG*—nepgigeoei tepg. 3 tes.—Nemteme ansema nige megetôt, pigoeli elieng oagmetgog ogtjit na gelolg nemetjoegemg. Egian Glesmas getjigao oetjiet esgisôgnig oetji pgisolatjel pilel otepitemtjijtjel ; mesgig oesgeoinôgsimgeoei otanigtog, olitasoagan ag olimtingeoei ogtjit negmoo ; maoi olitelmotjig. Noel Pôlet soel oesoalatji pigoelnitji aptjijemotj, pegitji sgematlatji tlia mesetesgoatji nige pela, glapis etog tgônog, Jim esgipatjel Jack Frost tapatat

ogetipenalan telitelmatjel nagatjilijel etog tjel negem telgitasiteo tetelogôogsin. Piel Aisig lôg oellogoatg omagemigem, pigoeli memgatog ag oeli gispatog, oasis mitagalatji ag tepeg emtôgoalgosin, na tlasitj tasigel neogtipongegel mesgig ogtjatoteo apetemoagan. Peogoetegeg molin amsgoes giotôgoasig otanigtog, Notji ginamoet pegoatôgôp oneiatasitten, oeli apôgônematg maioimi. Negem 38 poesô megeteg, Plansoe Gapo 8, Samoel Gogo 28, Gisigo Piel Gogo 36, Antle Gol 32, Pasamai Silipai 16, Gtegig etjig nipenog pisgoetatag ; tliatj tóg ; magamigeoigtog Gisolg teli tpeloteget ogtjian gmimatjanemino ; esgoiagal gôgoel pemi gsegagal, gato igatagotimng ma gseganog.

Plansoe Gapo eliet amlamgog espi geginamoôgoômigtog ogtjit esgoiag neogtipongeg, oetmitetemot metj olein ag ogisi oli ginamasin.

*LNO MENIGOG* epegoitg—nepg. 17 tes.—O me gato mesgig matentimng soel eoletjg ogoamlamona apis gtoteminaga. Gato ninen lnoieg amsgoes etjelitasoltiegep otjit mimatjoagen tan tlasiteo pgitentimng ; gato gtoteminag teliminamegig, mo gtjelitasoltip gileo lnoioêg otjit nige tan teli matentimng ma gôgoei eolaloloog ag ma pestematiog meta pigoelg mitjijtjeoei epegoitga.

O me gato oelasig igatageniman tan teli milamoga ; na nogo ninen saptasoltieg migmaoiega ; o-tjit etog na oetji gselminamegig, meta ninen elp na migmaoieg gisi maoatoegneg solieoegeg elp ninena \$50. ega. Na oetjategemgeg ô me gato gesitelminamegig gtoteminaga.

Tôgo totjio aptj \$50. notjinen patlias San McDonald ignemage-  
tep otjit negela nôtasigel oigatigena. Negem teloet, nin, et, apoas gotjino lnoi patlias listogotjga.

Etog soel nesonemigsitjig malicoltitag ola tógaga ; gato me môga igalagig me tan teli oisoltititja misôgo ap oigigeian gteg tepgenoset ; meta telsetemaseg na oen tepgatg ma liegog matentimng.

Tjan Misel Plansoe negem aloseoit ag elsegengel eogel gapsgotjel flula ; gato Antni Mitjel negem